



Inatsisartuni ilaasortaq, Knud Kristiansen

Qaanaaq pillugu § 37 naapertorlugu apeqquut nr. 2017-252-imut akissuteqaat

Brevdato: 20-01-2017

Asasara Knud Kristiansen.

Sags nr. 2017 - 525
Dok. nr. 16450728

Qaanaaq pillugu apeqquutinnut, Inatsisartut suleriaasianni § 37 naapertorlugu nassiussannut qujanaq. Apeqquutit matuma kinguliani ataasiakkaarlugit akineqarput. Aalisarnermut Piniarnermullu Naalakkersuisoqarfimmit kiisalu Inuussutissarsiornermut, Suliffeqarnermut, Niuernermet Nukissiornermullu Naalakkersuisoqarfimmit akissuteqaatinik pissarsiniartoqarpoq. Tamanna apeqquutini ataasiakkaani allassimassaaq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

- 1. Qaanaaq-mi talittarfiliassaq sumut killippa? Pilersaarutaasut ukioq manna sanallugu aallartinneqassava?**

Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq:

Naalakkersuisunit sapinngisamik Qaanaami innuttaasut kissaataat pisariaqartitaallu tusaaniarneqassapput, taakkulu tunngavigalugit suliassamut siunnersuusiortoqassalluni. Matumani nutaamik sanaartugassaq, Aningaasanut Inatsimmi immikkut ittumik aningaasaliiffigineqartariaqartoq pineqarpoq. Suliaq suli ima siuariarfutigisimangilaq, sanaartorneq ukioq manna aallartinneqarsinnaassalluni.

- 2. Anorersuarujussuarnerani piniartut piniutaarserneranni annaasat qanoq naleqarnerat nalilersorneqarpa? Ikiorsiineq sumut killippa?**

Aalisarnermut Piniarnermullu Naalakkersuisoq:

Qaanaami anorersuaq piniartut atortuinik amerlasuunik ajoqusiinermik annaasaqarnermillu kinguneqarsimammat Naalakkersuisut eqqumaffigaat. Naalakkersuisut aningaasanik, Qaanaami pissutsinut siunertaqarfiusunut naapertuuttunik immikkut ittumik immikkoortitsipput. Naalakkersuisoqarfik Qaanaami piniartunit, katillugit 16-init, anorersuarmi piniutiminnik annaasaqarsimasunit ajoqusiiffigitissimasunillu qinnuteqaatinik tigusaqarpoq. Tamatuma kingorna Naalakkersuisoqarfik qinnuteqartut 16-iusut tamarmik piniutinik nutaanik piniarnissamut tapiissutinik aningaasaliiffigineqarput akiliuteqarfigineqarlutillu. Tapiissutit tunniunneqartut katillugit 160.941 koruuniupput. Aallarteqqinnissamut tapiiffigineqartarneq pillugu Inatsisartut inatsisaat nr. 3, 21. maj 2004-meersoq naapertorlugu tapiissutissanut aningaasaliisoqarpoq.

3. Qeqertat-ni kallerup inniliornissamut pilersaarut, immikkullu suliniut siuarsarnissaanut sumut killippa? tunisassiorfiliornissamut pilersaarut sumut killippa?

Inuussutissarsiornermut, Suliffeqarnermut, Niuernermit Nukissiuuteqarnermullu Naalackersuisoq:

Inuussutissarsiornermut, Suliffeqarnermut, Niuernermit Nukissiuuteqarnermullu Naalackersuisoqarfik ilisimatitsivoq, Qeqertani nukissiorfik pillugu Nukissiorfiit imaattumik ilisimatitsisimasut:

”Nukissiorfiit 2016-imi Qeqertani nunaqarfimmi innaallagissiorfimmik nalinginnaasumik ilersitsinissaq pillugu nassuiaasiortut. Maannamut naatsorsugaagallartut takutippaat, aningaasaliissutissat katillugit 9 aamma 12. mio. koruunit akornanni amerlassuseqassasut. Aningaasaliissutissanut innaallagissiorfiup saniatigut nunaqarfimmi siaruarterivik annikinnerusoq, uuliamut tankeqarfimmut attaviliinissaq pisariaqartoq, assartuussinermut aningaasartuutissat il.il. ilaatinneqarput.

Nukissiorfiit saniatigut misissugassanik allanik aallartitsipput, taakkunungalu suliassamut tunngavissat aalajangersimasut suliarineqarnissaat ilaatinneqarpoq. Qeqertami nunaqarfiup innaallagissiorfissaata ikkussorneqarnissaa/sananeqarnissaa 2018-imi suliarineqarsinnaassasoq eqqoriarneqarpoq.”

Royal Greenland aamma Inughuit Food Qaanaami joint-venture-mik ingerlatseqatigiiffeqarput, tassalu Inughuit Seafood Qeqertamiit aalisakkanik, Qaanaami suliassanik qamuteralaat atorlugit aallertarput. Suliat taakku saniatigut Inuussutissarsiornermut, Suliffeqarnermut, Niuernermit Nukissiuuteqarnermullu Naalackersuisoqarfik maannarpiaq Qeqertami tunisassiorfiliortoqarnissaanik aalajangersimasumik pilersaaruteqartoqarneranik ilisimasaqanngilaq.

4. Qeqertat siuarsarniarlugu tunitsivimmik umiarsualiinissamik pilersaaruteqartoqarpa?

Aalisarnermut Piniarnermullu Naalackersuisoq:

Naalackersuisut umiarsuarnik tunitsivinnik peqanngillat. Aalisakkerinermi ingerlatseqatigiiffiit tunitsivinnik umiarsualiinissaq isumagisassaraat¹. Kisiannili Aalisarnermut Piniarnermullu Naalackersuisoqarfik ukioq manna Qeqertanut tunitsivimmik umiarsualiinissaq pillugu qinnuteqaatinik tigusaqanngilaq.

Inussiarnersumik inuulluaqqusillunga

Martha Lund Olsen

¹ Kalaallit Nunaata kitaani Tunumilu najugaqarfiusuni tunitsivissat naammareersimangippata, sumiiffinni tunitsivimmik umiarsualiinissaq qinnuteqaatigineqarsinnaavoq.